

Uma Pido uut Vana Võromaa kihlkundõ rõivin abiliisi!

Hää inemise,

29. mail tulõ II Uma Pido! Seokõrd om plaanin ka pidorongikäük, kon kõik esinejä' ja külälise' kõndva' Põlva järve veerest Indsikurmu Vana Võromaa kihlkunnasilte (Harglõ, Karula, Kanepi, Põlva, Rõugõ, Rāpinä, Urvastõ, Vahtsõliina) takan. Päält 8 kihlkunna sildi om valli' viil katõ sildi – "Sõbra' ja sugulasõ'" ja "Seto sõsara' ja vele'" vaihõl.

Et pidorongikäük küländ pidolik olõssi, otsva' kõrraldaja' egä rongikäügisildi mano rahvarõivin inemiisi: 2 miist ja 2 naist. Arvada' om sändsit abiliisi kõgõ lihtsamb löüdä' segärahvatandsurühmi hulgast, a mine sa tiia, kost viil... Viil om vaia api pidosümboliide nõstmisõl pidorongikäügin. Nõsta tulõ seo pido sümbolit lõõtspilli ja minevä pido sümbolit parmupilli. Tuus om vaia kokko 12 miist: 4 kummagi sümboli mano ja 4 vaihtusõs. Tuu tegemise man piässi mehe' vähembält paarikaupa ütesugutsõn rahvarõivan olõma.

Et asi segätses ei jäässi, kõrdami üle. Uma Pido rongikäük uut abiliisi ja vaia om:

- 12 rahvarõivan miist sümboliide nõstmisõs, vähembält paarikaupa ütesugutsõn rahvarõivan.
- 2 miist ja 2 naist Karula kihlkunna rõivin
- 2 miist ja 2 naist Harglõ kihlkunna rõivin
- 2 miist ja 2 naist Kanepi kihlkunna rõivin
- 2 miist ja 2 naist Põlva kihlkunna rõivin
- 2 miist ja 2 naist Rõugõ kihlkunna rõivin
- 2 miist ja 2 naist Rāpinä kihlkunna rõivin
- 2 miist ja 2 naist Urvastõ kihlkunna rõivin
- 2 miist ja 2 naist Vahtsõliina kihlkunna rõivin
- 2 miist ja 2 naist Seto rõivin
- päält tuu sõpru ja sugulaisi (tt küläliisi) sildi mano ka 2 miist ja 2 naist üte Vana Võromaa kihlkunna, soovitavalt Põlva rõivin.

Märkuses viil niipallo, et naisi asõmõl võiva' olla' ka sama kandi rõivin latsõ', a silte-sümboliid lasõmi õks miihil nõsta!

Kirjapandminõ:

Hindäst tulõ teedä' anda Heido Siniveele (heido@polvamaa.ee, tel 7998948). Kirotagõ, mitu abilist määndse kihlkunna rõivin ti pakut, niisamatõ uma' nime' ja kontakt. Kirjapandmisõ man kehtis põhimõtõ: kinka kiri inne Heido kätte jõud, tuu saa, tuu tähendäs, et ku pakutava kihlkunna rõivin inemise' omma' joba olõman, sõs tõsõna teedä' andja' inämb ei saa...

Abilise' saava' abi iist kõgõpäält muidoki suurõ avvu kanda' pidorongikäügin silte, a kõrraldajidõ käest ka käepaila' pido pääkontsõrdilõ Indsikurmu sissesõamisõs.

Ku tiia kedägi, kinkal olõssi huvvi taa teedüse vasta, saatkõ julgõlõ edesi!

Teedüs:

Heido Sinivee (heido@polvamaa.ee, tel 7998948)

www.umapido.ee